



Inatsisartunut ilaasortat Mette Arqe-Hammeken, Naleraq
inatsisartut@inatsisartut.gl

Tasiilami internetseqarneq pillugu § 37 naapertorlugu apeqquteqaammut 2026-054-imut akissut

Dato: 15-04-2026
Sagsnr.: 2026 - 6985
ID. nr.: 80750762

Asasara Mette Arqe-Hammeken

Inatsisartut suleriaasianni § 37 naapertorlugu Tasiilami internetseqarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Tasiilap eqqaanut Imaatigut kabelimik (fiber, nittartagaqarneq) pilersitsissagaanni, qanoq aningaasartuutit annertutigissappat?

Akissut: § 37 naapertorlugu apeqquteqaammut 2024-037-mut akissuteqaat innersuussutigalugu Tusass A/S-ip 2024-mi nalilerpaa, Tasiilamit Islandimut immaatigut kabeliiniissaq eqqoriaakannerlugu missiliorlugu 540 mio. koruuninik akeqassasoq. Naliliinermi nalornineq annertuvoq, erseqqinnerusumillu akissuteqaassagaanni misissueqqissaartoqartariaqarluni.

Apeqqut 2: Tasiilami sumiiffiillu allat qaammataasat atorlugit nittartakkatigut attaveqartut pitsanngorsaaviginiarlugit qanorpiaq Naalakkersuisut pilersaaruteqarpat?

Akissut: Inoqarfinni ataasiakkaani internetsimik pitsanngorsaanissamik pilersaarutit Tusass A/S-imit isumagineqarput. Tamanna pillugu Tasiilami, sumiiffinnilu allani qaammataasaq atorlugu attaveqaatilinni internetsip pitsanngorsarneqarnissaanut Naalakkersuisut nammineerlutik pilersaarutiminnik innersuussassaateqanngillat.

Qaammataasaq atorlugu attaveqaatit, immap naqqatigut kabelitigut internetsimut attaveqaatituulli pitsaatigisinnaangitsut Naalakkersuisut eqqumaffigaat.

Sumiiffinni qaammataasaq atorlugu attaveqaatilinni piginnaasat pitsanngorsarneqarnissaat, Tusass A/S-ip eqeersimaartumik sulissutigaa.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Iddimanngiu Jensen Bianco